

INUIT ATAQATIGIIT INATSISARTUNI



UKA2024/45

16. Oktober 2024

Kristian Jeremiassen

**Piginneqatigiilluni inissiat pillugit Inatsisartut inatsisaata
allanngortinnissaa pillugu Inatsisartut inatsisaat (inissiat
attartortittakkat allanngortinnerat, kaaviiartitsinissamut inerteqqut
il.il.)**

Ineqarnermut Attaveqaasersuutinullu Naalakkersuisoq

Siullermeerneqarnera

Ineqarnikkut aqqissuusseqqinneq pisariaqarvissoq Inuit Ataqatigiit aallarniutigalugu oqaatingerusupparput, nalunngilarpummi inuit kikkut tamarmik nammineq inissiamik pisisinnaangittut taamaattorli inatsisitigut inunnut amerlanerpaanut nammineq illoqalernissamut inatsisitigut aqqutissiuussisariaqarput.

Ukiuni makkunani ukiorpassuarnilu aqqissuussaanerput imaappoq; akunnattunik isertitallit pisortat inissiaataanni ineqartariaqarlutik, inissiarlu nammineq pisiarisinnaanagu aningaasanik bankikkut atortinneqarsinnaanginnamik taamaalillutillu ukiorpassuarni pisortat inissiaataanniittariaqarlutik akilersuillutik, allaammi ima inissisimasoqarpoq ukiut amerlasuut najoramikku, ineqarnermut akiliisarnerminni illu akilereernikuungaluarlugu. Naak ukiorpassuarni inigisaq najoramiuk bankikkut aningaasanik attartuinissamut periarfissaqaratik, ukiorpassuarni inigisaq najorsimangamikku akiliuteqartarnermikkut akilereeraluarlugu, suli pisortat

INUIT ATAQATIGIIT INATSISARTUNI



inissiaataaniinnerminni inigisaq akittoraluttuiannartoq i
aserfallakkaluttuinnartoq qianarsingalut-tuninnartoq pittaajunnaavillunilu.
Tamakkua pissutsit qaangerniarlugit periarfissat attartortumiit pinginnittumut
pittanngorsarneqarnierat Inuit Ataqatigiit suleqataaffingissavarput
kingulissagut eqqarsaatigalugit.

Inuit Ataqatigiit innuttaasut amerlanerpaat attartortumiit pinginnittuunermut
ikaarsaartiku-suppagut, pisortammi inissiaateqarnerat annikinnerpaasariaqar-
poq inissianillu pisisinnaangittut pisortat inissiaataanni ineqartariaqarput
periarfissallilli sulii periarfissaat pittanngorsartariaqartut isumaqarluta.

Kvadratmeterimut 7000 kr.-nik minnerpaaffiliisimaneq sanaartornikkut akinik
qaffasaanissamut sunniuteqassanngitsoq isumaqarpugut, aki taanna piviusor-
siortuuvoq- minnerpaaffiliineq innuttaasut nammassinnaasaannik aaqqiineq
siunissamilu naluarput innuttaasut qassit attartortuunermiit pinginnittuunermut
ingerlaqqikkumaarnersut, taamaammat innuttaasut piumassusaat tamatumani
tunngaviusoq. Inatsilli manna innuttaasunut pitsaasumik periarfissiisuusoq Inuit
Ataqatigiit isumaqarpugut.

Inissiat inoqanngitsut inoqanngitsiinnarnagit piginneqatigiilluni inissiani tu-
nineqarsinnaalernissaasa tungaanut attartortinneqarnissaat Inuit Ataqatigiit
tunngaviusumik anguniakkatsinnut naleqquttuusoq takusinnaavarput -
kikkummi tamarmik ineqarnissaat politikkkut anguniarneqartuartariaqarmat.

Ineqarnikkut aaqqissuusseqqinneq kikkunnik tamanit iluarineqanngikkaluartoq
iliuuseqarfingisariaqaripput ineqarneq pillugu isumaqatingiisummi Inuit Ataqat-
igiit atsiqataavugut iliuuseqartariaqaratta iliuuseqanngikkuttami ineqarnikkut
pissutsit ajortikkiartuinnassasut takusinnaavarput 2,5 milliard-inimmi iluarsaas-
sinissamut kinguaattooqqavugut assersuutingiinnarlugu Qasigiannuani iluar-

INUIT ATAQATIGIIT INATSIARTUNI



saassinissamut 45 million kr.-it missai pisariaqartinneqarput Nuummi hundrede million kr.ilikkaat innuttaasullu inissiani aserfallakkaluttuinnartuni ineqartinneqarsinnaanngillat iliuseqartariaqarpugut sulii ajornerusumut inisseqqunata sulii ajornerusunik innuttaasut inissiani najugaqassanngippata. Iluarineqanngikkaluarpalluunniit akisussaaffik tigullugu iliuseqartariaqarpugut-akiligassaq meerartatsinnut ingerlateqqissanngikkutsigu.

Aaliangersakkanik ilanngussat Naalakkersuisut kommunalbestyrelsellu inissianik attartortittakkanik pioreersunut piginneqatingiilluni inissiatut pinginnaatineqalernerat allaffissornikinnermik pilersitsissaaq innuttaasullu maannakkornik pisariinnerusumik periarfissinneqassapput pisortammi inissiaataat ikinnerusariaqartut Inuit Ataqatigiit isumaqarpugut, akissallit pisisinnaaniassammata soorlu siuliani oqartugut attartortumiit pinginnittuunermut akissaatikinnerit atuisinnaanngittut pisortat inissiaataannik periarfissaqartuartariaqarput.

Naggataatingullu suliaq manna innuttaasorpasuarput attuivoq politikkkullu assingiinnngitsumik aaqqissuusseqqinnissaaq isumaqarfingineqarpoq taamaammat oqallinneq assingiinnngissitaartunik isumaqarfingineqartoq nalunnginnatsigu inimi maani oqallinnerit aallaavigalugit ataatsimiititaliami suliarineqarnissaa innersuupparput siunnersuullu tunngaviatigut tamakkiisumik tapersorsorlutigut iliuseqartariaqaratta ineqarnikkut aaqqissuusseqqinnermi.

Oqallilluarisi, qujanaq.